

續修廬州府志卷五十二

花翎道銜江南安徽廬州府知府清泉黃 雲總修

義行傳 一

睦嫻任恤亦重周官內行旣修陰德彌寬鄉里稱善博濟騰歡據事直書永垂不刊

漢

陳翼字子初廬江人到覽鄉見馬傍有一人病呼曰我長安魏少公聞卿廬江樂來遊今病不能前翼迎歸養之有金十餅帛二十疋旣死翼賣帛買棺衾以餅置棺下騎馬出入後其兄長公見馬告之吏捕翼翼具言狀長公於棺下得金叩頭謝以十餅投其門翼走長安還

續修廬州府志

卷五十二

義行傳一

一

之廬江七賢傳

元

張順興合肥人出米五百餘石賑飢後至元五年旌其

門康熙志

吳寅合肥人元末寇亂村民欲避去寅曰不如協力守遂營壘儲蓄備器械以待之賊至悉力戰守村得保全以勞瘁死鄉人立碑於其墓今存

合肥縣志

明

楊宗廬州人父重三自廬渡江從太祖立功授成都中衛指揮同知宗當得世官乃讓與弟襲偕弟至蜀爲別業以居一日子入市得遺金告宗曰汝得而喜彼失而

憂矣命往候失金者還之

江南通志

孫日龍廬州人爲里老有鄰婦以貧鬻於外郡者日龍白於官捐金贖歸爲之擇配年稔貸官糧四百石以賑

江南通志

董淵合肥人正統間出穀千石助賑優免差役

合肥縣志

王廷範合肥人隆慶中以例入北雍有遠省孝廉蔣姓者下第流落廷範資之以歸後蔣官貴州巡撫廷範佐

普安州召入稱謝甚見委重及卒蔣爲治喪假驛傳歸

之

康熙志

殷尙禮合肥人性愷愨爲里長者範躬禮法不踰繩尺頗豐於財時解推以應親故里有小爭就裁決盡得解

續修廬州府志

卷五十二

義行傳一

二

釋罔或不平

康熙志

李篋生

通志作崑生

合肥人以普濟爲願解推不計囊之多

寡隆冬備襦袴及米待里之無衣食者戚友婚喪隨時

周給萬歷十七年歲大稔仗義捐助存活無數弟卒撫

卹弟婦胡氏及孤姪收春成立與子先春同補郡庠生

後爲定遠訓導曾孫世藻順治丙戌拔貢筮仕盧施清

慎自矢有政聲

縣志

靳萬元合肥人讓產卻金有篤行君子之風

縣志

徐日升字杲卿合肥人少失恃事繼母以孝聞值歲大

飢道殣相望昇出積粟六千石以賑肥民賴以全活者

甚眾

縣志

蔡裡字元敬合肥人性孝友天爵自尊與物無忤家本素封輕財好施寢以困乏弗顧也居恒手一編詩酒自娛子孫各視其才質授以職業咸得有成

嘉慶志

蔡廷篋字昆器合肥人少孤勤儉自勵與諸兄合爨三十年迨析產推讓不較隆慶辛未歲大禊出粟賑飢郡丞羅推官陸贈額曰敦義庚辰己丑復賑飢給額曰淮西義士舉鄉飲賓壽八十有六

嘉慶志

沈暉字肖廬合肥人知山東利津縣多善政後告歸邑侯熊公禮請爲鄉飲大賓崇禎十三年歲飢設廠賑粥次年復大疫民多委溝壑捐資數千施棺掩骼闔邑稱爲仁者又復於三河鎮建沈家橋至今無病涉焉

縣志

續修廬州府志

卷五十二

義行傳一

三

王明舜字鳳泉合肥人生有至性兒時從里社飲每懷果遺母人稱其孝崇禎庚辰歲大禊悉出所積散之以好施故家致中落不悔也

縣志

許國忠字抱赤合肥人少入郡庠端方不苟族黨中有貧乏者恤之崇禎庚辛大旱輸粟五百石以賑又捐貲

修城垣晚以詩酒自怡

康熙志

李雲仍字沖白合肥人庠生家素饒好施庚辛歲飢捐米三百五十石乙亥捐三百金募勇敢緹城擊賊賊爲之退郡有朝霞社多名流雲仍酬贈殆無虛日子蓮兆性孝友配孫氏及妾孫氏爲姑病刲股嘗糞奉姑極誠

康熙志

張少登合肥人國子生性好施與甲戌歲飢出粟賑濟郡守贈淮西義士額以褒之又手修上子孫下子孫傳

子永樂雙橋太平等六橋以便行人

縣志采訪册

李先綦合肥人諸生崇禎時寇逼郡城時合肥令爲西江熊文舉守城先綦爲策戰文舉憂餉不給先綦曰某家有粟千鍾可支旬日於是定計分門固守廬之險在東西門文舉自守西以東城委先綦先綦申明約束時出酒食以餉守者士益感激賊自西轉而之東盡日夜攻擊先綦率死士衝之多斬殺賊以火攻烈燄漲天先綦令取土一筐賞錢百文士壓火息城守如故賊稍稍引去先綦潛出尾其後斬級無算賊退上功幕府卒以

諸生不及格獎慰而已未幾文舉去賊復至先綦守東城有幕府兵從南來者散漫無紀律南城邏者疑爲賊殲之郡邑懼幕府詰之以先綦擅殺聞下獄論斬會城

陷乃免

江南通志

邛宗開字爾丞合肥人郡文學壬午寇亂宗開出資招勇敢保守鄉村得免賊害宗開卒其妻熊氏妾余氏苦守教子之倫成名

縣志

王典字大章合肥人天性孝友慷慨好施居南鄉壬午寇至避難者幾百人典以所居分處飲食之全活甚眾

縣志

胡志鴻合肥人侍御志藩胞弟也生平好義樂施壬午

寇亂後移居鄉莊親友多依以活有不能婚嫁者解囊以助志縣

沈國寶合肥人以孝聞有石坊建堰城壩紀載甚詳善行甚多寇亂後事多不傳志縣

郭本彥舒城人諸生成化十三年大水賑粟千斛宏治五年復大水賑亦如之志縣

汪一耀舒城人嘗適皖拾遺金守而還之志縣

孔貞堯字天如舒城人奉祀生員樂善好施適當兵燹之後施粥施衣埋胔掩骼妻孫氏亦好善樂施周濟貧

困志縣

胡永康舒城人樂善好施值寇亂收葬遺骸顛沛流離

奉母不失禮母卒居喪甚哀排難解紛爲德不倦志縣

孔衍聘舒城人兵後飢殍載道衍聘施粥施衣施櫪行之不遺餘力鄉人德之志縣

謝賜弼舒城人明寰子天性孝友尙節義喜施濟晚年尤多隱德鄉里推爲楷模志縣

黃三畏舒城人勤儉樂善好施訓子弟多成立里人賢之志縣

王希曾字孝若舒城人歲貢生寇亂時年十二流寓望江嘗讀書於客館有少婦挑之堅拒不納曰昔人慎四知甯獨臨財爲然哉辭受取與無巨細皆不苟里人畏

敬之志縣

陳魁甲字肇先舒城人壬午寇變偕里人保聚鹿起山
千家賴以無恐烽火之餘白骨徧郊原魁甲掩遺骸爲
大家歲時伏臘祭之數十年如一日其後仲子韜舉於
鄉季子略與冢孫其策成進士人以爲善報

縣志

朱九如舒城人庠生韋三經僕也明季寇變三經一門
皆遇難遺孤從紀僅六歲九如與婦張氏棄其女負從
紀逃承平後歸夫婦力耕以養從紀爲完娶讀書入郡

庠人以爲難

縣志

黃尙忠舒城人居貧守約樂善好施鄉里推爲長者

縣志

朱維翰字漢公舒城人武舉善事後母友愛諸兄弟無
問言康熙辛巳烏沙鎮被災之家維翰計口授糧數百

人咸食其德

縣志

徐行植字子建舒城人孝友端方素行高潔里有難事
多往質之睦族賑貧於故舊尤端古誼

縣志

樊世清舒城人性厚教子孫先行後文時歲凶飢世清
出粟二百斛以賑之代貧民輸積稅餘銀百餘兩

縣志

姚守堅舒城人坦懷接物有賈人胡姓遺金於道堅拾
還之太守張賜匾以旌

縣志

江自孔字從知舒城人有賈人遺金三十兩自孔候其
人還之

縣志

潘先登字裕然舒城人孝友任俠昔居三河家頗饒族
戚中賴以舉火者甚眾晚歲家中落徙居桃城雖布衣

喜讀古書年八十猶手不釋卷縣志

賈天貴字公良舒城人為人忠厚質直遇鄉里有爭者輒為一言解之饋遺無所受教子孫以力耕急稅為務

縣志

周天成舒城人忠厚樸實性好施與每儉歲但有餘穀即分贈鄰里延師教子耕讀之外無他務里人賢之縣志

陳應豹舒城人壬午寇變遺骸遍野捐貲掩埋普濟飢

寒賑粥施衣賴全者甚眾邑令兩旌其閭縣志

呂銀廬江人嘉靖時飢捐穀五千石賑濟勅建坊旌為

義官康熙志

王信九廬江人歲飢捐粟九千石辭不受旌縣志

續修廬州府志

卷五十二

義行傳一

七

姚鶚廬江人素行慷慨因年飢捐粟救災恩獎義官縣志

朱玉道廬江人捐粟賑飢得附學生縣志

孫德字蒲塘廬江人萬曆三十六年歲大飢設粥廠於

大西門外真武觀三月縣志

宋儒醕字衍魯廬江人諸生有行義明末流賊劫殺西鄉中忽有一人大呼曰此予恩人宋公里也眾問故其人泣曰予蕪湖人十歲父賣我償債遇宋公助銀二十兩全予父子必保全此鄉以報德順治九年歲飢儒醕

出穀千斛助賑江南通志

畢翼周字亮士廬江人天啟辛酉舉人明季僉報里差

大為民害翼周伏闕奏請行一條鞭法得蒙俞允勒石

永禁民困得甦又以流寇肆談學宮遭燬於順治四年倡議同諸生徐愈壯草創大成殿後更名昇爲福建平

和知縣

縣志

徐愈晉字日三廬江人性孝友喜周貧乏捐資築曹王

河二堰邑賴其利

縣志

陳經業字勒昆廬江人邑諸生崇禎庚辰捐穀三百石

賑飢四舉鄉飲賓不應工書法著接葉亭詩草

縣志

徐席之字崑璧廬江人素行端謹與物無競流寇環城

多方捍患眾皆倚之

縣志

高克謙字益之廬江人仗義急公如爭免驛馬諸條議

利及闔邑壬午寇變家室蕩然謙奉二親及三弟徙於

續修廬州府志

卷五十二

義行傳一

八

江南衣食皆身任之勤苦治生業日恢擴析箸時不自

私

縣志

許肩字文來廬江人庠生慷慨好義壬午寇變鄉居姪

武進士鑣挺身捍拒賊不敢窺傾貲給里人牛種爲一

方所賴

康熙志

陳本忠無爲人正統庚辰歲歉輸米九千二百斛子志

高輸穀二千斛志達輸穀八千八十斛以備賑又憫流

民路宿卽舍傍披草萊爲屋百楹居之復施粥二月以

食飢者父子三人俱奉勅旌

江南通志

朱燦無爲人厚重好義正統間歲歉燦以米四千四百

斛輸官同族名亮者設粥日食數百人朝廷旌曰尙義

之門江南通志

丁浩無為人成化間飢出粟三千二百斛助賑又煮粥以食餓者詔旌門建坊無為州志

康德威無為人萬曆時疫甚死者載道置槥葬埋不可數計居喪盡禮撫二歲弟迄於成立康熙志

馬福無為人居孝友出遊值風雪暫宿邨僻有婦干以私福厲聲色拒之旋避去州守辛侯聞而歎曰此魯

男子也會修學宮患費絀福捐金以為之倡事載碑陰

康熙志

杜濂無為人少客維揚又客蕪湖嘗兩拾遺金數百金俱遲其人至悉還之後濂晝寢夢神語曰汝來日合雷

續修廬州府志

卷五十二

義行傳一

九

震死為有陰德宥之矣次日雷擊其家牛驢各一濂無

恙江南通志

齊欽相無為人性純樸生平足跡不履公庭天啟四年

水荒捐貲煮粥里居助貧完婚修橋梁鄉里德之康熙志

樂友富無為人宏治十六年歲歉輸粟濟邊子志鸞捐

金修圮城千丈父子皆授迪功郎嘉慶志

朱軒無為人宏治十六年歲歉輸粟濟邊子志鸞捐金

修圮城千丈父子皆授職銜嘉慶志

孫朝傑無為人崇禎辛巳歲稔悉計里之貧乏者授之

食眾藉以活一日詣西山李姓李他適其婦一人在室

會日暮前途有虎不可行朝傑使婦扃其戶而身就戶

外藉草宿焉及曙而去其避嫌如此嘗作戒淫詩示其子曰我無他事爾相求惟有邪淫最所憂實跡污人誠不可私情才動卽宜休毋將閨閣資談柄莫入廳堂使覩眸慎此一身猶渺小務教家世永傳流

康熙志

方正榮無爲人性喜施予置茶亭通衢以憇行旅與汪文魁爲友至老不分財兩姓子孫亦互相訓飭有龐公司馬之風州守史應選給額獎勵標其名於旌善亭中

州志

陳銳無爲人歲裨出穀六百斛以賑同邑耿大化四世

同居歲裨亦出穀六百斛助賑

無爲州志

夏閣無爲人道拾遺金守而還之善岐黃施藥救人無

續修廬州府志

卷五十二

義行傳一

十

算

無爲州志

王閏汪德中方景姜禮俱巢人正統間賑濟捐穀數百石有差俱奉勅旌爲義民萬厯間何文產捐米至五百

石

康熙志

戴庸趙賢皆巢人景泰間賑濟捐穀一千四百石

康熙志

程思岱巢縣人貢生武昌衛知事公謁外常下帷讀書遷判霸州遇事惟斷以理無纖毫爲民累銓部諗其廉能擢永平府通判改保定駐居庸庶事悉治以老病乞

休妻歿鰥居三十年時謂義夫

康熙志

楊舜漁字見呂巢縣人敦本尙質里中目爲楊古人教子姪義命自安一門之內自相師友京山李本甯述其

行子維嶽鬻產助餉聞流寇之難絕粒以歿

江南通志

薛崇禮字重之巢縣人弱冠餼鬻宮拔選貢讓於師楊
澤民督學重之逾年應歲薦復以讓老友周承軒邑令
延主西塾訓課外毫不干以私居家孝友與兄崇仁俱

爲時重

康熙志